

VENDIM
Nr. 335, datë 31.5.2023

**PËR PËRDORIMIN E FONDIT TË RINDËRTIMIT PËR FINANCIMIN E
REALIZIMIT TË PROJEKTZBATIMIT, ME OBJEKT “PËRFORCIM
STRUKTURAL DHE RIKOMPOZIM I GODINËS SË MINISTRISË SË
DREJTËSISË” DHE CAKTIMIN SI NJËSI ZBATUESE TË MINISTRISË SË
DREJTËSISË**

Në mbështetje të nenit 100 të Kushtetutës, të neneve 13, shkronja “b”, nënndarjet “i” dhe “iii”, 16, 25 dhe 36, të aktit normativ nr. 9, datë 16.12.2019, të Këshillit Ministrave, “Për përballimin e pasojave të fatkeqësisë natyrore”, miratuar me ligjin nr. 97/2019, të ligjit nr. 9936, datë 26.6.2008, “Për menaxhimin e sistemit buxhetor në Republikën e Shqipërisë”, të ndryshuar, dhe të nenit 7, të ligjit nr. 84/2022, “Për buxhetin e vitit 2023”, me propozimin e Zëvendëskryeministrit dhe ministër i Infrastrukturës dhe Energjisë, Këshilli i Ministrave

VENDOSI:

1. Përdorimin e fondit të rindërtimit, në masën 250 489 332 (dyqind e pesëdhjetë milionë e katërqind e tetëdhjetë e nëntë mijë e treqind e tridhjetë e dy) lekë pa TVSH, për financimin e realizimit të projektzbatimit, me objekt “Përforcim struktural dhe rikompozim i godinës së Ministrisë së Drejtësisë”.

2. Në buxhetin e miratuar për vitin 2023 për Ministrinë e Drejtësisë, në programin buxhetor “Planifikim, menaxhim dhe administrim” 01110, në zërin “Shpenzime kapitale me financim të brendshëm”, shtohet fondi prej 50 097 866 (pesëdhjetë milionë e nëntëdhjetë e shtatë mijë e tetëqind e gjashtëdhjetë e gjashtë) lekësh pa TVSH, për financimin e realizimit të projektzbatimit, me objekt “Përforcim struktural dhe rikompozim i godinës së Ministrisë së Drejtësisë”.

3. Caktimin e Ministrisë së Drejtësisë si njësi zbatuese, sipas pikave 1 dhe 2, të këtij vendimi.

4. Ngarkohen Ministria e Financave dhe Ekonomisë dhe Ministria e Drejtësisë për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

ZËVENDËSKRYEMINISTËR
Belinda Balluku